



Ref/Secretaría Xeral/Juan Manuel Salguero del Valle

**ACTA DA SESIÓN CONSTITUTIVA DA XUNTA DE GOBERNO LOCAL
20 DE XUÑO DE 2019**

MANDATO 2019-2023

Alcalde-Presidente:

-Manuel Ruiz Rivas

Concelleiros/as:

-María José Sampedro Fernández

-Ana Isabel Ruiz Reiriz

-Ramón José Doval Sampedro.

-Ana Isabel Barreiro Rego.

-Victor Reiriz Lampón

-Juana María Brión Santamaría

-Elvira Pereira Ageitos.

Na Alcaldía da Casa Consistorial do Concello de Riveira, sendo as 9.30 horas do día 20 de xuño de 2019, reúnense os Sres/as concelleiros/as relacionados/as coa fin de proceder á celebración da **“Sesión Constitutiva para o mandato corporativo 2019-2023”**, según convocatoria previamente cursada ao efecto.

A Xunta de Goberno Local está asistida polo Secretario deste Concello, D. Juan Manuel Salguero del Valle, que dá fe do acto, e polo Interventor do mesmo, D. Pablo Bao Castro.

Una vez verificada polo Secretario a válida constitución da Xunta de Goberno Local, dado que se cumpre o quórum legal para a súa celebración (maioría absoluta dos seus membros), o Presidente abre a sesión,





procedendo á deliberación sobre os asuntos incluídos no seguinte

ORDE DO DÍA

ÚNICO:-DAR CONTA DECRETO DE NOMEAMENTO DE MEMBROS DE XUNTA DE GOBERNO LOCAL, PERIODICIDADE DE SESIÓNS ORDINARIAS, E DELEGACIÓN DE COMPETENCIAS DE DATA 17 DE XUÑO DE 2019

“Dase conta do Decreto da Alcaldía de data 17 de xuño de 2019 sobre nomeamento de membros da Xunta de Goberno Local, periodicidade de Sesións Ordinarias e Delegación de competencias de data 17 de xuño de 2019 e que é do seguinte tenore literal:

“VISTA a celebración das eleccións municipais o día 26 de maio de 2019 e logo de proceder o día 15 de xuño de 2019 á constitución da nova Corporación Local, en virtude do disposto nos artigos 20.1.b) e 23 da Lei 7/1985, de 2 de abril, Reguladora das Bases do Réxime Local, artigo 65 da Lei 5/97, 22 de xullo, Administración local de Galicia, artigo 46 do RDLex 781/86 Texto refundido de disposicións legais vixentes en materia de réxime local e os artigos 35.2 e 52 do Regulamento de Organización, Funcionamento e Réxime Xurídico das Entidades Locais, aprobado por Real Decreto 2568/1986, de 28 de novembro,

VISTO o regulamento orgánico municipal (aprobado polo Pleno da Corporación na Sesión Extraordinaria realizada o día 7 de febreiro de 2012, BOP nº 74 de 19 de abril de 2012);

Esta Alcaldía

RESOLVE:

PRIMEIRO:-Nomear *membros da Xunta de Goberno Local ós/as seguintes/as concelleiros/as:*

-María José Sampedro Fernández

-Ana Isabel Ruiz Reiriz

-Ramón José Doval Sampedro.





-Ana Isabel Barreiro Rego.
-Victor Reiriz Lampón
-Juana María Brión Santamaría
-Elvira Pereira Ageitos.

SEGUNDO:-A Xunta de Goberno Local celebrará **sesións ordinarias** cunha periodicidade semanal, **os xoves ás 9.30 h**, en aplicación do regulado no artigo 112 do R.D. 2568/86, 28 de novembro, regulamento de organización, funcionamento e réxime xurídico das entidades locais e o regulamento orgánico municipal.

Se é festivo, poderase adiantar ou atrasar a data sen que exceda de un día.

TERCEIRO:-Celebrará sesión constitutiva dentro dos dez (10) días seguintes a aquel no que se designasen os seus membros.

CUARTO:- En base ó regulado nos artigos 21,3º e 23,2º da Lei 7/85, reguladora das bases de réximen local e o artigo 43,2º, 114 e seguintes do RD. 2568/86, regulamento de organización e funcionamento das entidades locais, artigo 65 da L 5/97 de Administración local de Galicia, e o regulamento orgánico municipal, corresponde á Xunta de Goberno Local, ademáis da asistencia permanente ao Alcalde no exercicio das súas atribucións, as seguintes competencias que se delegan a través da presente resolución:

- Licencias de obra maior.
- Licencias de primeira ocupación.
- Licencias de segregación.
- Licencias de parcelación.
- Licencias de actividade e apertura.
- Autorización de vados.
- Autorización dominio público.
- Resolución de expedientes de responsabilidade patrimonial.
- Resolución de expedientes de disciplina urbanística e expedientes sancionadores correspondentes.
- Aprobación de proxectos de obras e de servizos cando sexa competente para a súa contratación ou concesión e estean previstos no orzamento.





- *Aprobacións dos instrumentos de planeamento de desenvolvemento do planeamento xeral non expresamente atribuídas ó Pleno.*

- *Aprobación dos instrumentos de xestión urbanística.*

- *Aprobación dos proxectos de urbanización.*

- *Emisión de informes municipais requeridos por normativa sectorial, salvo que correspondan ó Pleno.*

- *Aprobar a oferta de emprego público de acordo co orzamento e a plantilla aprobados polo Pleno, aprobar as bases das probas para selección de personal e para os concursos de provisión de postos de traballo e distribuír as retribucións complementarias que non sexan fixas e periódicas.*

- *Vista a Disposición Adicional Segunda da Lei 9/2017, de 8 de novembro, de Contratos do Sector Público, se delegan as competencias que corresponden ó Alcalde segundo esta lei: as competencias como órgano de contratación respecto dos contratos de obras, de suministro, de servizos, de xestión de servizos públicos, os contratos administrativos especiais, e os contratos privados cando o seu importe non supere o 10% dos recursos ordinarios do orzamento ni, en calquera caso, a contía de seis millóns de euros, incluídos os de carácter plurianual cando a súa duración non sexa superior a catro anos, sempre que o importe acumulado de todas as súas anualidades non supere nin o porcentaxe indicado, referido a los recursos ordinarios do orzamento do primeiro exercicio, nin a contía sinalada, coa excepción da aprobación e disposición do gasto dos contratos menores de obras servizos e subministros, con arranxo ao 118 da Lei 9/2017.*

- *Asemade corresponde ó Alcalde a adxudicación de concesións sobre bens da entidade local e a adquisición de bens inmobles e dereitos suxeitos á lexislación patrimonial cando o seu valor non supere o 10% dos recursos ordinarios do orzamento nin o importe de tres millóns de euros, así como o alleamento do patrimonio cando o seu valor non supere o porcentaxe nin a contía indicados.*

- *En materia de subvencións concedidas polo concello:*

1.- *En caso de achegas sometidas ao principio de libre concorrência: a aprobación das convocatorias públicas, independentemente do importe destas, así como a distribución individual das achegas que se concedan ao abeiro das mesmas.*

2.- *En caso de achegas nominativas: a súa autorización e concesión, independentemente do importe destas, e sempre que esta non estea reservada ao pleno.*

3.- *En ambos casos: a aprobación das xustificacións presentadas polos beneficiarios.*





QUINTO. *Notificar persoalmente a presente resolución aos/as designados/as, que se considerará aceptada tácitamente, salvo manifestación expresa; e remitir a Resolución do nomeamento ao Boletín Oficial da Provincia de A Coruña para a súa publicación no mesmo, igualmente publicar a Resolución no taboleiro de anuncios do Concello, sen prexuízo da súa efectividade desde o día seguinte da firma da resolución polo Alcalde [se nela non se dispuxese outra cousa].*

Así mesmo, estará a disposición dos interesados na sede electrónica deste Concello [dirección <https://www.riveira.com>].

SEXTO:- *Dése conta ó Pleno na primeira sesión que celebre e notifíquese ós interesados.*

O que resolvo e asino, ante mín, o secretario xeral da Corporación, en Riveira, a 17 de xuño de 2019

O alcalde-presidente

Ante mín, o secretario xeral.

Asdo. Manuel Ruiz Rivas

Asdo. Juan Manuel Salguero del Valle.

Enterados/as os/as Sres/as concelleiros/as do contido do Decreto e non habendo máis asuntos que tratar, cumprindo o obxecto do acto, o Alcalde-Presidente levanta a Sesión sendo as 10 horas e 40 minutos do día da data, do cal como Secretario dou fe.

O alcalde-presidente

O secretario xeral

Asdo. Manuel Ruiz Rivas

Asdo. Juan Manuel Salguero del Valle

DOCUMENTO ASINADO ELECTRONICAMENTE

